

VALUES @CITRA

e-Bulletin of Centre for Internship Training and Academic enrichment (CITRA)

Bengkel Persediaan Latihan Industri

Cik Nurhafizah Jafri

Bengkel Persediaan Latihan Industri telah dijalankan di dua belas (12) akademi/fakulti/pusat yang mempunyai pelajar yang akan menjalani latihan industri pada Semester Khas, Sesi Akademik 2018/2019 dan Semester I, Sesi Akademik 2019/2020. Berikut adalah senarai akademi/fakulti/pusat yang terlibat:

- Fakulti Sains – 15 Mac 2019
- Fakulti Kejuruteraan – 20 Mac 2019
- Fakulti Sastera dan Sains Sosial – 22 Mac 2019
- Akademi Pengajian Melayu – 23 Mac 2019
- Pusat Kebudayaan – 26 Mac 2019
- Pusat Sukan dan Sains Eksesais – 29 Mac 2019
- Fakulti Ekonomi dan Pentadbiran – 30 Mac 2019
- Fakulti Sains Komputer dan Teknologi Maklumat - 5 April 2019.
- Akademi Pengajian Islam – 9 April 2019
- Fakulti Perniagaan dan Perakaunan – 10 April 2019
- Fakulti Bahasa dan Linguistik – 3 Mei 2019
- Fakulti Alam Bina – 4 Mei 2019



Isi Kandungan

Bengkel Persediaan Latihan Industri.....	1
Design Thinking Approach Towards Entrepreneurial Mind Set.....	3
Financial Literacy oleh Agensi Kaunseling dan Pengurusan Kredit (AKPK).....	4
CITRA-Celcom Entrepreneur Programme @ Digital Marketing.....	5
Forum Penglibatan Wanita dalam Politik.....	6
Sesi Perkongsian Ilmu di CITRA.....	7
The Lost Food Project Ambassador Program with UM Student.....	8
Grocermart Post Digital Marketing Challenge.....	10
Program Bersama UMCIC & Tee Ip Sdn. Bhd: "Mengenali Paten dan Hak Cipta".....	11
UMCCC: UM Co-Curricular Carnival 2019.....	13
Program M.A.G.I.V.A.S.I.....	16
Hari Apresiasi STEM.....	17

Centre for Internship Training and Academic enrichment (CITRA)
Pusat Latihan Intern dan Pengayaan Akademik
Universiti Malaya
50603, Kuala Lumpur

No. telefon: 03-7967-5410
Emel: citra@um.edu.my
Laman web: <https://citra.um.edu.my>





Seramai lebih kurang 1,867 pelajar telah hadir ke bengkel tersebut. Penganjuran bengkel ini adalah untuk memenuhi ketetapan Program Latihan Industri Universiti Malaya bagi mendedahkan pelajar dengan kemahiran insaniah terkini yang diperlukan oleh pihak industri. Dalam program ini, pihak CITRA telah menjemput beberapa pihak industri untuk memberikan taklimat mengenai persediaan pelajar ke alam pekerjaan. Di antara tetamu jemputan adalah seperti berikut:

- Encik Ravinther, ASK Consultant.
- Encik Murali Prasad, SIEZZLESCIENCE.
- Puan Mei Ng, TOP Glove Sdn. Bhd.
- Encik Syed Fairul, ICDL.
- Puan Noratikah Kasmoi, Talent Corp.
- Encik Al Jazzura Khan bin Mor Japar Khan, ODC Creative Hub.
- Encik Chong Lit Jia dan Encik Wan Chee Siang, Super Group.
- Puan Nirmala Supramanian, AKPK.
- Encik Reza Huzairi Zainuddin, UDA Holdings Berhad.



Antara pelajar yang hadir dalam Bengkel Persediaan Latihan Industri di beberapa buah fakulti di Universiti Malaya.

Design Thinking Approach Towards Entrepreneurial Mind Set

Dr. Ponmalar N. Alagappar

Bengkel Seminar “*Design Thinking Approach Entrepreneurial Mind Set*” untuk pelajar Asas Pembudayaan Keusahawanan (APK) telah dijalankan selama tiga hari sebagai sebahagian dari ‘*experiential learning exercise*’. Bengkel ini dijalankan di bawah seliaan dua orang pensyarah APK iaitu Dr. Kannaki Vaithilingam dan Dr. Ponmalar N. Alagappar. Objektif program ini adalah untuk mendedahkan pelajar APK kepada kemahiran keusahawanan dengan menggunakan pendekatan “*Design Thinking and Innovative*”.

Program yang dijalankan ini melibatkan sebanyak lima buah kelas APK dengan anggaran pelajar seramai 450 orang. Di antara aktiviti yang dilaksanakan oleh pelajar termasuklah ‘*redesign the mall of tomorrow*’ dan ‘*air bnb experience*’. Maklum balas pelajar menunjukkan bahawa proses pembelajaran melalui cabaran yang diberikan kepada mereka dapat meningkatkan kemahiran kerja perpasukan, kreativiti dan pengurusan masa para pelajar.



Dr. Ponmalar N. Alagappar (kiri) dan Dr. Kannaki Vathilingam (kanan) memberikan penerangan kepada pelajar mengenai aktiviti yang akan dijalankan pelajar.



Pelajar menjalankan aktiviti dalam kumpulan.

Financial Literacy oleh Agensi Kaunseling dan Pengurusan Kredit (AKPK)

Dr. Ponmalar N. Alagappar

Pada 2, 5 dan 9 April 2019, Agensi Kaunseling dan Pengurusan Kredit (AKPK) telah dijemput untuk memberi pendedahan dan penerangan mengenai asas pengurusan kewangan masa hadapan. Dalam program ini, Puan Nor Akmar Yaakub yang merupakan Ketua di Bahagian Pendidikan Kewangan, AKPK telah memberi penerangan mengenai *Financial Independence* kepada seramai 400 orang pelajar Tahun 1 dan 2, termasuklah pelajar dari Fakulti Perubatan.



Antara peserta program.



Pelajar melaksanakan aktiviti.

Sesi bermula dengan topik yang menarik iaitu “Kebebasan Kewangan” yang membicarakan mengenai asas penggunaan kredit dan pengurusan wang. Dalam sesi ini, penceramah menekankan aspek pengurusan kewangan yang penting dan dapat dicapai melalui perancangan pengurusan kewangan yang teliti terutamanya dari segi pengurusan pendapatan dan perbelanjaan. Di samping itu, dalam sesi ini juga, pelajar telah diajar enam kaedah pengurusan kewangan yang bijak. Pada akhir sesi, pelajar telah mengetahui kepentingan pengurusan kewangan yang bijak dari segi bajet, pengurusan wang dan penggunaan kredit.

CITRA-Celcom Entrepreneur Programme @ Digital Marketing

Cik Nurhafizah Jafri

Pada 5 April 2019, CITRA dan Celcom telah bekerjasama menganjurkan ‘CITRA-Celcom Entrepreneur Progam @ Digital Marketing’ sebagai sebahagian daripada agenda Ekonomi Digital untuk memberi peluang kepada rakyat Malaysia terutamanya dalam kalangan graduan untuk menjana pendapatan tambahan melalui digital. Program yang dijalankan ini merupakan salah satu usaha CITRA untuk memperkenalkan Pemasaran Digital kepada warga UM. Program ini telah dihadiri oleh seramai 45 orang peserta yang terdiri daripada staf dan juga pelajar UM.



Pengenalan program oleh wakil Celcom, En. Areeham Hj Abdullah.



Peserta bengkel di Makmal Komputer 3, Fakulti Sains Komputer dan Teknologi Maklumat.



Cenderahati daripada pihak Celcom.



Peserta program bersama wakil Celcom, MDeC dan CITRA.

Forum Penglibatan Wanita dalam Politik

Dr. Fatimi Hanafi

Pada 11 April 2019, Akademi Pengajian Melayu, Universiti Malaya dengan kerjasama CITrA telah menganjurkan Forum Penglibatan Wanita dalam Politik. Program ini berlangsung di Dewan Semarak, Akademi Pengajian Melayu bermula jam 10.00 pagi dan berakhir jam 12.30 tengah hari. Panel jemputan terdiri daripada Yang Berhormat Young Syefura Othman (Ahli Dewan Undangan Negeri Ketari), Dr. Halimah Ali (Ahli Jawatankuasa PAS Pusat) dan Dr. Fatimi Hanafi (Pensyarah Kanan, CITrA), Universiti Malaya.



Barisan panel yang hadir.

Sementara itu, moderator bagi program ini pula ialah Prof. Madya Dr. Hashim Ismail, Pengarah Pusat Kajian Kecemerlangan Melayu, Universiti Malaya. Objektif utama penganjuran seminar ini adalah untuk memahami bentuk-bentuk penglibatan wanita dalam politik serta cabaran-cabaran yang dihadapi sepanjang berkecimpung dalam arena politik. Seminar ini amat penting untuk perkongsian pengalaman dan memotivasi generasi baru untuk memartabatkan wanita dalam masyarakat dan negara.



Sesi soal jawab di antara peserta forum dan ahli panel.



Sesi Perkongsian Ilmu

Dr. Noor Ain Mat Noor

Pada 18 April 2018, Sesi Perkongsian Ilmu telah diadakan di Bilik Mesyuarat, CITrA dari jam 10.00 -12.30 tengah hari. Sesi pada kali ini melibatkan dua orang panel iaitu Dr. Nor Liyana Mohd. Shuib (Pensyarah dari FSKTM) dengan tajuk "Proses Penyediaan Kajian Literasi dan Pencarian Jurnal" dan Dr. Muhammad Shamshinor Abdul Azzis dengan tajuk "*Mental Arith-Magic - Sempoa Xpress*". Dalam sesi pertama, Dr. Nor Liyana berkongsi kepada staf akademik mengenai proses-proses untuk menyediakan kajian literasi yang baik serta kaedah-kaedah bagi mencari jurnal yang sesuai dengan bidang pensyarah. Sementara bagi sesi kedua, Dr. Muhammad Shamshinor Abdul Azziz berkongsi teknik dan kaedah bagi menggunakan sempoa kepada semua staf di CITrA. Dalam sesi ini, beliau turut mendemonstrasi kaedah yang betul untuk memegang sempoa untuk mendapatkan pengiraan yang tepat.



Dr. Nor Liyana sedang berkongsi bersama warga CITrA mengenai proses penyediaan kajian literasi dan pencarian jurnal.



Dr. Muhammad Shamshinor berkongsi mengenai penggunaan sempoa dan diselangi dengan pertunjukan silap mata.

The Lost Food Project Ambassador Program with UM Student

Dr. Irene Yong Seok Ching

Pada Semester II, Sesi 2018/2019, kursus Asas Pembudayaan Keusahawanan bekerjasama dengan *The Lost Food Project* (TLFP) dalam proses pengajaran dan pembelajaran (P & P) yang melibatkan seramai 29 pelajar daripada Fakulti Pendidikan. TLFP merupakan sebuah organisasi amal yang menggunakan pengurusan kreatif dalam membanteras isu kelaparan dan pembaziran makanan di Malaysia. Program kali ini merupakan kerjasama kali kedua dan meliputi skop yang lebih besar.


Kerjasama ini memanfaatkan Pembelajaran Melalui Pengalaman untuk menyediakan platform pembelajaran yang lebih imersif dan merangsang pemikiran kreatif serta pengaplikasian kemahiran. Dua penceramah industri daripada TLFP iaitu En. Philip Pip Dodd dan Cik Hazel Hooi terlibat dalam P & P bersama pensyarah melalui tiga sesi pelatihan iaitu pada 25 April, 9 Mei dan 30 Mei 2019. Secara praktiknya, pembelajaran menggunakan kes spesifik seumpama ini diharapkan dapat membantu pelajar menyelami konsep teoritikal yang dipelajari dalam kelas.



Ceramah dan sesi soal jawab bersama En. Philip Pip Dodd dan Cik Hazel Hooi dalam sesi pelatihan pertama pada 25 April 2019.



Pelajar mengambil bahagian secara aktif dalam aktiviti pelatihan yang disediakan oleh penceramah industri dalam sesi pelatihan pertama.



Pelajar membuat *mock presentation* dan menerima komen penambahbaikan daripada penceramah dalam sesi pelatihan kedua.

Antara pengisian utama kerjasama kali ini termasuklah penghasilan proposal pemasaran untuk memasarkan idea “TLFP Ambassador Program with UM Student” kepada pihak ketiga di UM dan menyakinkan mereka supaya membenarkan pembentangan dibuat kepada kumpulan pendengar yang disasarkan di premis pihak ketiga. Di samping itu, pelajar juga terlibat dalam pendengaran aktif dan sesi perbincangan interaktif untuk mengenal pasti maklumat yang diperlukan bagi menghasilkan *Business Model Canvas* untuk TLFP.



Pasukan duta pelajar TLFP menyampaikan ceramah kepada kumpulan pendengar sasaran di Fakulti Perubatan UM.



Penceramah memberi komen untuk setiap video selepas sesi penilaian dan pengadilan video dan sesi refleksi.

Kemuncak projek kerjasama ini adalah pertandingan video bertemakan “*Inspiring Change: UM Students make an Impact*” dengan video pelajar dinilai dan diadili oleh penceramah industri bersama pensyarah. Video pasukan yang memenangi pertandingan ini akan dipertimbangkan oleh pihak pengurusan TLFP untuk dimuat naik dalam laman web rasmi TLFP.



Sesi refleksi interaktif ala santai bersama penceramah dan pensyarah pada penghujung projek.

Grocermart Post Digital Marketing Challenge

Dr. Ponmalar N. Alagappar

Grocermart Pte Ltd, Singapura telah bekerjasama dengan CITrA dalam memberi bimbingan kepada pelajar keusahawanan dan menyediakan pengalaman dalam pasaran. Kerjasama ini bermula pada Semester I, 2018/2019 melibatkan seramai 80 pelajar Asas Pembudayaan Keusahawanan (GIG1003). Para pelajar yang terlibat dalam program ini terdiri daripada pelajar aliran sains dan sastera. Para pelajar diajar kaedah untuk membuat profil pelanggan sasaran, cadangan penjualan yang unik, strategi penetapan harga dan kedudukan, pelan pengedaran, strategi promosi dan strategi pemasaran dalam talian. Dalam program ini, sebanyak 20 buah kumpulan pelajar telah menjalankan kaji selidik mengenai pemasaran dalam talian.



Sesi penyampaian hadiah kepada pemenang.

Di akhir latihan, para pelajar telah membentangkan cadangan pemasaran mereka kepada Grocermart Pte Ltd. untuk Pertandingan Penyelidikan Pemasaran Digital 2018. Sebuah kumpulan telah dipilih sebagai pemenang bagi pertandingan ini. Ahli-ahli kumpulan ini terdiri daripada pelajar-pelajar dari Fakulti Sastera dan Sains Sosial iaitu Nur Syawani Binti Mat Radzi (AID1080021), Siti Nur Aminah Binti Arshad (AID180027), Zuhailah Binti Mat Nawi (AID180029) dan Nurul Alis Sarah Binti Bidin (AIE180020). Pada 25 April 2019, sebuah Majlis Anugerah Pertandingan Penyelidikan Pemasaran Digital 2018 telah diadakan di CITrA. Kumpulan yang memenangi pertandingan telah menerima hadiah berupa plak dan percutian dua hari satu malam ke Universal Studio Singapura.

Program Bersama UMCIC & Tee Ip Sdn. Bhd: “Mengenali Paten dan Hak Cipta”

Dr. Irene Yong Seok Ching


Dengan bantuan dan kerjasama daripada Pusat Inovasi dan Pengkomersialan Universiti Malaya (UMCIC), kursus Asas Pembudayaan Keusahawanan CITrA pada Semester II, Sesi 2018/2019 telah berjaya menjemput pakar rujuk dalam bidang paten dan hak cipta pengkomersialan iaitu Cik Noorserra Aryecca Binti Armat daripada Tee Ip Sdn. Bhd untuk memberi ceramah bertajuk “Mengenali Paten dan Hak Cipta”.

Ceramah ini diadakan di Dewan Kuliah 3, Balai Ungku Aziz, Fakulti Pergigian pada 26 April 2019 (Jumaat) dan memberi manfaat kepada seramai 50 pelajar Fakulti Pergigian.

Ceramah ini memberi pendedahan kepada pelajar mengenai apa sebenarnya yang dimaksudkan dengan paten dan hak cipta, perbezaan antara kedua-duanya serta kepentingan kewujudan paten dan hak cipta. Di samping itu, pelajar dapat menghubungkait pendedahan berkaitan kriteria-kriteria kelayakan permohonan paten dan hak cipta dengan tahap kreativiti idea produk mereka sendiri. Pelajar juga berpeluang untuk berinteraksi secara terus dengan pakar rujuk dalam sesi soal jawab untuk mendapatkan maklumat yang diperlukan bagi menghasilkan tugasannya bertulis mereka.



Cik Noorserra Aryecca Binti Armat menyampaikan ceramah kepada pelajar.



Antara inti pati ceramah.



Sesi soal jawab bersama penceramah industri, Cik Noorserra.




Turut hadir dalam ceramah ini ialah tiga orang staf daripada UMCIC iaitu Cik Ainol Mardhiah Abdullah (Pegawai Projek UMCIC), Puan Nur Asmawarmi Binti Hj Abdullah (Pegawai Bahagian Pengurusan Harta Intelek) dan Puan Siti Nurul Ashikin Binti Sabaruddin (Pegawai Pentadbiran Bahagian Pemasaran).



Sesi soal jawab bersama penceramah industri, Cik Noorserra.



Pelajar dan pensyarah bergambar bersama penceramah, Cik Noorserra.



Pensyarah dan penceramah bersama pegawai UMCIC yang turut hadir bersama dalam sesi ceramah.

UMCCC: UM Co-Curricular Carnival 2019


Cik Syaza Khairul Aswad

Pada 4 & 5 Mei 2019, CITrA telah menganjurkan UMCCC: UM Co-Curricular Carnival 2019 dengan tema ‘*Embracing the Beauty of Multiculturalism*’. UMCCC berlangsung di gelanggang sekitar Universiti Malaya pada 4 Mei 2019 dan di Dewan Tunku Canselor, Universiti Malaya pada 5 Mei 2019.

Objektif utama penganjuran UMCCC ini adalah untuk mengetengahkan produk dan hasil pembelajaran pelajar kursus kokurikulum berkredit sepanjang semester dalam bentuk persembahan, demonstrasi dan penganjuran acara. Di samping itu, UMCCC juga bermatlamat untuk mempertingkatkan tahap penguasaan, pengetahuan dan kemahiran baharu melalui amalan dan aplikasi serta mengasah kemahiran insaniah pelajar menerusi pengalaman dan penglibatan dalam acara sebenar.



Pertandingan sukan yang dijalankan di sekitar gelanggang Universiti Malaya.



Perasmian UMCCC oleh Prof. Dr. Kamila Binti Ghazali, Timbalan Naib Canselor (Akademik dan Antarabangsa).



Majlis yang penuh gemilang ini melibatkan empat komponen kursus Kokurikulum Berkredit (KB) iaitu persempahan pentas (kebudayaan), pameran (kesukarelawan dan pembangunan insaniah), demonstrasi pentas (sukan dan seni mempertahankan diri), pameran (seni visual dan kraf tangan) dan pertandingan sukan.

UMCCC dirasmikan oleh Timbalan Naib Canselor (Akademik dan Antarabangsa) iaitu Prof. Dr. Kamila Ghazali. Dalam majlis ini, beliau sempat memberikan ucapan pembukaan diiringi oleh Pengarah CITrA iaitu Dr. Wendy Yee Mei Tien. Di samping itu, Profesor Dr. Kamila Ghazali turut meluangkan masa untuk menyaksikan persempahan, demonstrasi dan pameran yang dipersembahkan oleh para pelajar yang terlibat.



Persempahan pentas (kebudayaan) oleh pelajar.



Antara booth pameran pelajar.



Prof. Dr. Kamila Binti Ghazali, Timbalan Naib Canselor (Akademik dan Antarabangsa) sempat meluangkan masa melawat booth pameran pelajar.



Demonstrasi pentas oleh pelajar.

Program M.A.G.I.V.A.S.I

Dr. Muhammad Shamsinor Abdul Azzis

Pada 5 Mei 2019, seorang pensyarah CITrA iaitu Dr. Muhammad Shamshinor Bin Abdul Azzis telah dijemput sebagai penceramah bagi program ‘Who Am I’ di Sekolah Kebangsaan Bandar Puteri Jaya, Sungai Petani, Kedah Darul Aman.

Program berbentuk motivasi akademik dan pembangunan diri ini dijalankan di Dewan Permata Warisan dan dihadiri oleh seramai 347 orang pelajar Tahun 6 yang akan menduduki UPSR. Antara keunikan program motivasi ini adalah aplikasi kaedah silap mata atau ‘magic tricks’ iaitu M.A.G.I.V.A.S.I. yang dijalankan bagi menarik minat pelajar.



Sesi pengenalan dan ceramah oleh Dr. Muhammad Shamshinor Bin Abdul Azzis.



Dr. Muhammad Shamshinor Bin Abdul Azzis menunjukkan persembahan 'magic tricks' kepada pelajar.



Antara peserta program M.A.G.I.V.A.S.I. yang terdiri daripada pelajar.

Hari Apresiasi STEM

Dr. Wong Seng Yue

Hari Apresiasi STEM telah diadakan di sekolah antarabangsa *The Sequoia Academy* pada 11 Mei 2019. Program ini melibatkan pelajar daripada kursus Apresiasi STEM bersama pelajar sekolah antarabangsa tersebut. Dalam program ini, Dr. Wendy Yee Mei Tien, Pengarah CITrA telah dijemput untuk menyampaikan ucapan pembukaan.

Program ini melibatkan penjelajahan dan penerokaan lapan *checkpoints* yang berlainan tema, eksperimen dan konsep. Pelajar dibahagikan kepada beberapa kumpulan dan sebaik sahaja setiap kumpulan menyempurnakan tugas pada setiap *checkpoint*, pasport penjelajahan dicop sebelum mara ke *checkpoint* yang seterusnya. Dalam setiap *checkpoint* pula, pelajar kursus Apresiasi STEM memainkan peranan sebagai *mentor-mentee* yang mengambil bahagian bersama dengan pelajar sekolah menerusi sesi pengenalan, demonstrasi, eksperimen, aktiviti permainan dan kuiz.



Dr. Wendy Yee Mei Tien, Pengarah CITrA menyampaikan ucapan pembukaan.



Sesi perkongsian ilmu bersama pelajar sekolah mengenai cara penyediaan komponen struktur sel daripada bahan makanan.



Pelajar kursus Apresiasi STEM sedang menunjukkan demonstrasi eksperimen bagi konsep dan teori getaran bunyi kepada pelajar sekolah



Pelajar kursus Apresiasi STEM berinteraksi dengan pelajar antarabangsa semasa aktiviti pemadaman jenis makanan berdasarkan piramid makanan.

Antara contoh eksperimen yang dilaksanakan adalah seperti penghalang dan pengesanan menerusi ultrasonik, piramid makanan dan nutrisi, obesiti, mencipta sel daripada bahan makanan dan kesan getaran bunyi. Secara keseluruhannya, program ini berjalan lancar dan seluruh pelajar sekolah antarabangsa tersebut telah diberi pendedahan dan satu pengalaman yang berbeza dan menyeronokkan.



Centre for Internship Training and Academic enrichment (CITrA)
Pusat Latihan Intern dan Pengayaan Akademik
Universiti Malaya
50603, Kuala Lumpur